

պէս երեկոյան, ուտելիքի մի փոքրիկ կապոց ձեռքերին պինդ բռնած, որպէսզի խուժանը չփախցնի, տուն են վերադառնում: Հազիւ ուտում են, արդէն մտահոգ են վազուան համար: Կինը, երախաները, մայրը պարզ կարգում են նրա աչքերի մէջ մտահոգութեան պատճառները: Վախում են, չարանում, նախանձում...

- Ընկեր, ինչո՞վ ես զբաղուում:
- Աշխատաւոր եմ:
- Մըր:
- Բազարում:
- Ա՛ռեւտուր ես անում... Տուրքդ վճա՞րել ես:
- Ը...
- Ես քեզ զա՛կոնը (օրէնքը) կը սորվեցընեմ...

Ու գակոնը սորվեցնում է:
Ու տան վրայ սեւ մի մելամաղձոտութիւն ագոռաւի նման բաց է անում իր թեւերը:

* * *

Ամենօրեայ նիւթական տառապանքը տանելի է, երբ որոշ գաղափարի ոգեւորութիւնը կայ: Յեխերի մէջ տապալակելով, մարդիկ կան, որ ամիսներ տուն են շինում: Ուրախ են, որովհետեւ զբաղուած են կարելու գործով եւ որովհետեւ դիտեն, որ տունը պիտի շինուի եւ նրանք հանգստութիւն պիտի վայելեն:

Այս տան բնակիչները ամենքն էլ զբաստի հոգեբանութիւն ունին: Կեանքը, պատահական դիպուածի նման, նրանց ձեռքից բռնած, իրեն յետեւից քար է տալիս: Ձեն ուզում կեանքին ենթարկուել, փորձում են դիմադրել, ոտքերը քարերին դէմ են տալիս, ձեռքերը ազատում, դեմնի վրայ թաւալում:

Եւ, սակայն, պէտք է ապրել:
Ինձ համար այդ հոգեբանութիւնը զարմանալի է: Վեց զար սպասելուց յետոյ կարելութիւնը ունենալ հայրենիք շինելու եւ ոտքերը քարի դէմ տալ...

Աչքերիս մէջ նայում են յոռեատեսութեամբ եւ մի քիչ էլ կասկածանքով:

— Դէ, ի հարկէ, ո՞վ ա ասում, մեր օձախն ա, ամէնքս պարտաւոր ենք նպատակու...

Նայում են կասկածանքով, չլինի թէ...

* * *

Հարեան աղջիկները ինձ հետ խօսելու ժամանակ միշտ պետական եւ կուսակցական հիմնարկութիւնների անուններ են տալիս, յայտնի դործիչների: Ձեւանում են ուղղամիտ եւ հաւատարիմ զաւակներ այս տիրոջ իշխանութեան: Յայտնի է, որ կեղծում են: Ընդունուած գանազան բարբառներ կան, որ երկրի բնակիչները դործ են ածում ըստ պատշաճ հանգամանքի:

Դեռ երախաներ են, բայց կայծկլտուն աչքերի մէջ ապրելու ի՞նչ վարժութիւն է ցոլանում: Ուզում եմ նրանց հասկանալ, մի տեսակ մտերմութիւն ստեղծել, անկեղծութեան հրաւիրել: Անկարելի բան: Այնքան որ ես ինքս սկսում եմ նրանցից վախենալ: Այստեղ ինձ ասել են, որ երախաները ամէն ինչ մասնում են:

Հիմա հասկանում եմ, թէ ինչո՞ւ տան բրնակիչները, գրեթէ նոյն սենեակում ապրելով հանդերձ, ա՛յնքան առանձնացած են, այնքան մենակ եւ այնքան իրարու օտար:

Անտարբեր կեանքի հանդէպ եւ անտարբեր մահի հանդէպ: Դաշտում արածող տաւարի նման:

* * *

Դիմացի սեեակում ամէն երեկոյ նոյն տեսարանը: Կինը վերադառնում է: Անդանը դըրուած է, լուռ ուտում են: Մի քիչ յետոյ ինչ որ խօսակցութիւն է սկսում: Ձայները բարձրանում են: Վիճարանութիւնը տաքանում է: Կնոջ ձայնը կոկորդային է, ամուսնուն՝ բարձր, բարակ, սուր: Կարծես պատերին գամ են կպցնում: Կուում են: Ծատ չանցած, շա՛խք, գետինը մի պնակ է կոտրում: Ամուսինը, ծրխախոտը բերանին, դուրս է գալիս, գուռը զարնում եւ պատշգամի վրայ մի ժամ ման գալիս:

Կիսաբաց դռները փակում են, եւ հարեւանները իրենց գլուխը ներս են առնում:

Ամուսինը վերադառնում է ներս: Պնակները դուրս է հանում լուանում: Նորից ներս: Երգում է: Բարձր ձայնով երգում է, իբր թէ ոչինչ չի պատահել: Դռները նորից կիսաբացում են եւ դուրսները դուրս ցցում:

Կինը ինչ որ նկատողութիւն է անում: Վէճը նորից սկսում է, բարձրանում, պայթում: Գնում են: